

四庫全書

史部

# 欽定四庫全書

史部

硃批諭旨卷二百十六之三

詳校官尚書臣德保

編修臣袁謙覆勘

總校官中書臣朱鈐

校對官助教臣蔡鎮

謄錄監生臣戴天民

欽定四庫全書

硃批諭旨卷二百十六之三

硃批趙弘恩奏摺

雍正十一年正月十八日湖廣總督臣邁柱湖南  
巡撫臣趙弘恩謹

奏為請

旨事竊查常德府知府王業滋現經臣等

題補辰永靖道其所遺常德府知府員缺不在

題補之列但常郡為楚省南北咽喉滇黔要路商民  
繁庶政務紛紜非強幹勤練之員未足勝任查有  
永順府同知張廷慶才猷敏練措置咸宜若補授  
常德府知府洵為人地相稱其永順同知員缺有  
寶慶府通判朱汝珩明白勤慎歷任五載熟悉苗  
情以之補授永順同知亦能勝任其實慶府通判  
員缺應歸部選臣等因地方需才起見理合具摺  
會

奏請

旨謹

奏

該部議奏

雍正十一年二月初十日湖南巡撫臣趙弘恩謹  
奏一臣前因楚米販運過多米價驟長恐江蘇聞風  
愈加高擡時價隨一面出示并咨商督臣北撫臣  
暫停商販以平市價一面移咨江蘇撫臣將楚省

倉儲售運以濟江蘇民食嗣因楚價稍平臣即令將百石以內者仍許販運并經督臣通飭停收捐監穀石乃又欽蒙

特敕川省速弛米禁楚食更可通融臣又遍飭無論江蘇湖北商販千百石內外槩聽販運在案至臣前奏將倉儲售運江蘇係為江省平糶之用吳楚百姓皆屬

聖主之赤子各省倉糧皆屬

國家之蓄積臣惟恪遵

聖訓現往江蘇商酌隨時辦理彼此兼濟以副  
好  
聖慈也

一黔省九股逆苗不法調集楚粵官兵協勦糧餉  
寧可多備鄰省理應代籌臣自去冬已飭距黔最  
近之沅州多動倉穀碾米運濟據報准鎮遠府覆  
稱黔糧尚足供支俟需米起運在案茲准貴州撫  
臣元展成咨撥倉米一萬石臣隨於近黔之沅陵

等縣倉撥穀碾運猶恐稍需時日又將沅州前次碾就之米先行解濟仍即於沅陵等縣碾米數內扣還其沅陵等州縣動碾之穀亦即於常長衡三府倉撥補庶沅州仍有預備而沅陵等倉仍然充實臣仍不時偵探倘再需米自當再行撥運又思黔省當此用兵之際諸費浩繁庫藏或有不敷查現撥湖南協濟黔省雍正十一年兵餉二十餘萬兩部行四月完半今未便仍循往例臣已督令布



政使張璟儘數先動銀一十六萬八千餘兩飛調  
委員尅日解黔俾得通融接濟此黔省糧餉二項  
似可無厯

可嘉  
聖懷也

一湖南通省雍正十年十月起至本年二月各屬  
俱得雨雪沾足春耕大有裨益現在上米每石價  
銀八錢四五分起至九錢一二分不等中米每石  
七錢七八分起至八錢三四分不等穀每石三錢

五六分起至四錢三四分不等理合奏

聞謹

奏

凡此雨雪之調順米穀之豐裕皆緣汝等大吏公忠秉  
心獲邀

上天錫祐之所致勉之莫稍肆志愈加寅畏可也

雍正十一年七月初二日湖南巡撫臣趙弘恩謹

奏一湖南錢糧從前每屆

奏期必拖欠五六萬至十餘萬兩不等雍正十年額徵充餉銀九十四萬有零臣飭藩司張璈及有司善為勸納勿事差擾刑比茲當

奏銷之期已完銀九十二萬餘兩內有五十六州縣衛全數通完惟湘鄉衡陽平江等十一縣共尾欠銀一萬八千一百四十六兩零伏思湖南百姓荷蒙

聖訓頻頒至周極渥數載以來漸有返樸還淳之機看

果因懷德而樂輸抑或畏威而上納尚在疑似之間何  
此完賦踴躍似亦可為人心感悟之一端其於事  
乃偶獲小效遂爾肆志矜能移風易俗豈汝輩俗吏數  
載施為親敬長之道或亦漸知篤厚臣謹據實陳奏聊慰  
聖主日望南民改過遷善以期一道同風之慈懷

一查湖南長靖等十二府州屬雍正十一年分早  
稻收成分數內長沙府屬十分者十之一九分者  
十之九衡州府屬十分者十之三九分者十之三  
八分者十之四永州府屬八分者十之四七分者  
十之六寶慶府屬十分者十之六九分者十之四

岳州府屬九分者十之三八分者十之四七分者  
十之三常德府屬八分者十之二七分者十之八  
辰州府屬實有八分永順府屬九分者十之五八  
分者十之五澧州屬實有八分桂陽州屬十分者  
十之四九分者十之六郴州屬十分者十之二九  
分者十之四八分者十之四各府州屬上米每石  
價銀八錢一二分起至九錢不等中米每石價銀  
七錢一二分起至八錢不等稻穀每石價銀三錢

七八分起至四錢三四分不等黃豆每石價銀八錢二三分起至八錢八九分不等菜豆每石價銀八錢四五分起至八錢七八分九錢不等大麥每石價銀四錢七八分起至五錢一二分不等小麥每石價銀八錢一二分起至九錢不等鹽每包價銀一錢六七八九分不等自四月至六月各府州

屬雨水充足理合奏  
聞秋成後一歲豐歉方敢確定毋因早稻之收遽生狂念

一今歲湖南各屬雨水均調高下田地俱獲收成  
雖值青黃不接之時米價照常惟據巴陵臨湘二  
縣報稱五月底雨水稍多川水陡漲所屬濱江近  
湖最低之田間被淹浸又據華容縣報稱近湖伍  
張兔湖等垸間被衝損旋即搶築并據各該縣咸  
稱水勢若消落迅速則受淹之禾仍有薄收且可  
補種晚稻民俱得所等情臣隨飭委幹員前往確  
勘撫恤去訖是否成災俟勘覆另報又據永順保

靖二縣報稱四月二十九等日陰雨連綿溪水湧  
漲溪邊稻田間被淹衝合計百餘畝因係山水旋  
漲旋消民間當即修整補插竝不成災其永桑新  
修城垣土性未定水浸間有塌處現在修補等情  
臣俱飭行確查去訖又查自六月初連日晴明水  
勢漸消理合一并奏

聞謹

奏



狂則其徵恒雨觀汝所奏頗露自滿之意朕甚憂秋霖  
或有害稼之虞也

雍正十一年七月二十四日湖南巡撫臣趙弘恩  
謹

奏一於六月初七日接大學士張廷玉寄字奉

上諭據雲南布政使陳宏謀條奏長沙至永州一帶緯  
路令臣轉飭查勘斟酌修築等因欽此臣查湖南東  
路由長沙至衡永西路由常德至辰靖多係兩山

夾河一水中流挽舟緯路隨水消長水長則登山  
越嶺水退則沿河傍灘其間又有支河小港水溝  
缺口為之間隔緯夫行走實屬艱難蓋因夏間水  
漲傍河緯路瀰漫則水退必須再修冬春水平沿  
山緯路蒙茸則水長仍須修理今蒙

諭旨臣即委員分往兩路會同各地方官逐細查勘將  
兩岸險峻不平之山路再量鑿寬平其沿途支河  
小港原通舟楫難以搭橋外將深溝缺口難行者

亦酌搭木橋非係通洩民田水口可以填築者即  
行填築尚在水底者俟冬間水涸一例舉行以安  
開通利涉此次動支司庫公項嗣後仍應責成地方官  
隨路以安行旅自係善政然必久遠利濟暫勞永  
逸方不虛此一舉也  
聖主利濟商民之至意也

一臣查巴陵臨湘華容三縣本年五月底雨澤稍  
多川水陡漲低田間被淹損委員確勘撫恤臣前  
彙摺

奏明茲據司府并各委員勘覆被水之處甚少華邑  
衝損之堤亦在修補俱不成災轉報前來臣與督  
臣邁柱商酌雖據勘不成災然收成未免歉薄而  
華容被水之民更有修堤之役隨仰體

聖慈分別酌動公項令該府督同各該縣寬裕賞賚加  
意撫恤三縣百姓俱無失所之慮矣又查長沙湘  
陰瀏陽益陽等縣山多溪窄之處驟雨消洩不及  
沿河低窪地方零星漫漫田廬路堤數段旋漲旋

消又長沙有淹斃男婦大小三十四名口湘陰龍  
姓一家二十一口瀏陽男婦一十三口益陽男婦  
六口皆因住近山脚黑夜起蛟衝淹壓斃雖稱俱  
屬山鄉常有之事但民瘼攸關臣據報亦即商之  
督臣委員動項分往將被淹田廬及淹斃人口各  
戶分別從厚賑恤逐一確勘其華容報有雨水續  
浸之處亦令併賑再勘并通查各屬統候勘覆另  
報理合一併奏

聞謹

奏

詳確查勘加意撫恤毋忽

雍正十一年九月十六日湖南巡撫臣趙弘恩謹  
奏為遵

旨明白回奏事恭讀

硃批目今醜虜未平正當軍需浩繁之際直省督撫在  
廷諸臣莫不以節省浮費為適時要務而汝獨云現

今經費敷足不知具何確見而為此侈泰之言其明白回奏以匡朕之不逮欽此臣不勝惶恐戰慄之至  
總緣臣識見短淺管窺眇小但只就湖南一省而言未能通盤籌算一時冒昧輕率遂以敷足之語  
入

奏仰荷

皇上指訓以期臣由此漸歸老練謹飭之地捧讀再四  
赧顏汗背愧感交加惟自咎臣前

奏之謬更不覺愈感

天恩訓誨生成之切也臣謹據實覆

奏伏乞

睿鑒謹

奏

非識見短淺乃公私二字審辨未清耳若視國事如家事何至有此謬論根本處少差則枝葉俱謬但務本莫逐末誌之



雍正十二年正月十二日署理江南總督印務臣

趙弘恩謹

奏一江蘇一省民情頗多虛浮風俗爭尚奢侈自昔

相沿驟難全改臣惟勤宣

改易風習要在潛移默化不宜欲速若立異見竒有意  
聖訓誠實無偽身先節儉并遇事勸勉以冀漸移習俗

沾譽翻成勞擾之舉於吏治民俗均屬無益  
聊盡臣職於萬一也

一江蘇海防關繫緊要臣風聞運米出洋之弊尚  
此事亟應盡力察禁多方留心務絕弊竇  
未悉除但恐所聞未確不敢輕舉率動除仍一面

照例禁飭外容臣藉巡視海汎親往察度情形并  
高其倬惟恃其老練潔身自便非精白純臣南天祥乃  
隨風轉舵之輩向此二人密加商籌非但無補且恐搖  
惑汝之居心行事也加意體訪設法為之可耳  
聖訓遵行

一江蘇吏治營伍亦須整飭其員弁兵丁習成虛  
兵弁奢靡之習尤為不宜當殫竭心力徹底整頓  
華奢靡者極力勸誠以期端本清源

一江蘇安慶江西三省俱報得雪惟最遠之信豐  
等數縣尚未報到三省米價亦平百姓咸感

皇仁懽忻樂業至崇明常熟等縣雍正十年偶被海潮  
業經賑蠲更蒙

聖恩普例加賑百姓咸遂安全上年雖有偏裨然各處  
俱有收成且已撥穀備糴其安慶之宿州靈璧等  
四州縣江西之新淦等七縣各報被水亦俱賑恤  
是三省督撫諸臣俱仰體

聖慈已經料理再恐青黃不接之際民食價昂或鄉農  
種子間有不足臣又已密札各該屬或動社倉出

借或將常平倉糧破例多糶或常平社倉無存又  
備糶之穀未敷再量為動項買運分糶以平市價  
偶有鄰民入境給費慰送回籍倘有衿棍藉名強  
買強借摘拏解懲一切事宜隨地隨時盡心辦理  
務使百姓普沾樂利仰副

好  
聖懷

一江省積欠當照案催徵恐新餉復有包侵亦在  
察防其鹽政以完課疏引恤商便民為要若妄拏

貧難小民縱放大夥私販以及商鹽故意逗留長價或船戶盜賣捏報淹消種種弊端俱當剔除但

臣新任此等事宜與兩淮是否猶有前弊尚未深

高斌

頗具

忠誠之志

乃實心

任事之人

舉凡鹽政

利弊

悉鹽臣

高斌為

人明白

辦事實心

臣當與之

與伊

和衷籌

計料不

至有差

謬

共濟以

期商民

兩便再

兩淮辛

壬二綱

尾鹽現

在

督銷又揚州三汊河一帶為漕鹽經由之地臣現

在禁革積弊督令挑濬深通理合一併

奏明

一江寧省城於正月初四初五連日得雪合併陳

明謹

奏

覽

同日又

奏一安慶一省民情似屬醇厚比之蘇松實有不同

然醇厚之中又有粗悍詐偽之輩漸次化導或易  
凡事不可預存難易之想但勇往直前秉忠循理辦去  
為力

一安慶省內鳳陽亳州潁州三府州屬盜案更多

必須密察積匪窩線實跡嚴拏懲治以安良善現甚是在密飭文武員弁妥辦

一安慶省屬水陸塘汛不甚嚴緊而江西安慶交

江省塘汛莫不皆然總之朕御極十二年以來兩江直

隸竟未得人整理其廢弛疎玩處易勝枚舉今直隸潁

李衛督治可望大有起色兩江則觀汝之能與不能肯

濟現在通飭文武實心料理臣仍不時查警以期

與不肯也

盜息民安

一安慶文武員弁多務虛不實經撫臣徐本懲戒之後頗知儆惕而守令以及微員間有受賄徇情之事徵收漕米積弊現今亦有未概除者容臣細加察訪分別叅究勸飭以副

是聖主澄清吏治之至意

一淮安慶撫臣徐本以安省收漕甚早奉

旨改折之文到省已經徵收者多今應作何半本半折等因札商前來臣以雍正十一年漕米改折乃欽



蒙

聖主愛惜江南民力接濟江南民食之殊恩管理蘇撫  
臣高其倬現將未奉

上諭之先早完過半之米仍通行起運則安省已徵之  
米如果乾圓潔淨似應一例兌運或恐將來米價  
昂貴應否仍須量為截漕若干又在隨地斟酌仰

副

自應隨時制宜

聖主接濟民食之恩似屬兩全等因札覆撫臣徐本酌

行去訖理合陳明謹

奏

覽

同日又

奏一江西一省民多儉樸亦有數處刁悍動輒聚集

抗官臣雖素有所聞未能深知昨過九江一帶詳  
抗官之習萬不可寬縱其儉樸約已之美烏足以抵其  
細查訪已知大畧現在嚴行戒飭開導督令文武  
刁悍不法之惡朕觀江右籍貫之大臣官員人等亦每  
員弁實心實政宣布

有約已而不急公之病大抵風氣使然  
聖訓遇事警惕以期感化

謝旻

一江西吏治經撫臣謝旻將貪酷守令叅劾整飭  
僅能功過相抵平庸撫臣  
頗覺肅清惟玩忽之習尚未全除臣現在留心考

澄叙

核凡有小過自當教導儆惕而難勝繁劇者又當  
斟酌改調以期人地相宜若尚有貪劣者亦即叅  
望其成就者豈可姑容以貽誤地方

處俟撫臣常安到日再加察商另行奏

聞

一臣過九江一帶風聞署南昌鎮總兵官陳王章

陳王章自伊初蒞此鎮朕即疑其必不妥協時加嚴訓  
衆論多有不協如屬員赴江南考驗每令代買物  
未經獎許一語與歷任督撫評論江南文武每密加  
件借名發價大半賠累拔補千把亦多不公幼弱  
訪問從未聞有如此陳奏者果如所云是與朕意暗相  
符合之人俱給名糧驕縱放蕩且聲言可以參議文員  
虛張勢燄希圖府縣趨承逢迎而於分內應辦之

事竟不實心辦理臣初聞未敢深信及抵江寧密  
加察訪論復相同昨據該鎮陳王章送到該標後  
營俸滿千總蕭三汲經臣秉公考驗漢仗弓馬俱  
屬平常查核陳王章所出考語則稱弓馬可觀當

經臣飭行不准保送在案是考送員弁瞻徇之處已有確據則彼地文武弁兵之群相嗔怨似非無因除一面再加確訪外事關鎮臣大員理合先行據實奏

聞

一鄱陽湖大姑山小姑山及廣信等府河道向為盜藪近雖查拏嚴切經臣一路細詢尚未全息臣到任之日即行嚴飭文武員弁實力躡緝加意查

拏臣仍不時察訪整飭以副

聖主弭盜安民之至意謹

奏

實力為之務盡根株靖盜固屬要務而察緝匪類尤宜  
加意何也盜賊有跡可按匪類無形可指盜為生民之  
害匪為國家之蠱地方大吏因其不關考成每推無證  
無據遂置不睹不聞且以化小事為無事一句婦寺俗  
談借為口實一任蔓延醞釀養姦遺患業既醉夢昏昏

不省偶遇屬員發摘一二反飭為多事之舉此等邪謬  
意見當深以為戒誌之

同日又

奏一湖南歷來積欠民賦以及驛站米折等銀共二  
十三萬有奇臣任內接催除具

題豁免銀一千二百二十五兩零外今已催完銀二  
十二萬六千九百五十三兩零未完銀一千八百  
八十七兩零又雍正八九兩年僅未完銀三千九

百一十九兩零雍正十年亦僅未完銀九千三百九十四兩零理合

奏明

一署撫臣鍾保到任之時臣將湖南一切地方土俗民情苗疆事宜詳細說知至封疆大吏以保固地方元氣為第一要務瑣碎搜索尤覺擾民亦俱切切詳言臣見鍾保為人正氣和平虛心詢問仰見



聖主睿鑒南楚有得人之慶矣謹

奏

鍾保從前因循瞻顧惟以潔已為務不肯實心任事近復用此二任頗知改悔且經鄂爾泰勗勉開示似覺感發天良然已非上智之品究恐下愚不移毋因偶有所見遂欲確定是非須留心體訪密行探察如有所聞一據實隨便奏知

雍正十二年二月十八日署理江南總督印務臣

趙弘恩謹

奏一准前督臣高其倬鈔錄原

奏江寧水師添造脚船軍械一摺奉

皇上硃批具疏題請欽此又奏覆提臣南天祥請撥弁  
兵協防漕涇吳淞停止輪流貼防上海吳淞一團  
漕涇等汛之案并借支司庫公項二萬湊修軍械  
一摺奉

皇上硃批此論似是具題奏請欽此又前任安慶按察

使王紘條奏淮河設塘一摺奉

皇上硃批言之督撫欽此一併轉交與臣辦理臣查江寧水師添造脚哨小船及按戰船製給軍械實屬應行之事現在查估工料具

題又海疆關係重大全在平時巡防嚴謹若有虛應陋習理應實力屏除請撥請停殊難輕議至江南甲械准留公糧次第修製今經三載似將敷足臣恭繹

硃批此論似是四字仰見

皇上至聖至明無微不燭容臣親巡海塘及查明各營  
公糧已扣若干甲械現今已未修製若干另行定  
議請

旨再兵丁腰刀鋼輕者有之其全係白鉄者原少各營  
因准給司庫耗羨即紛紛冒支臣在湖南俱經駁  
查即督臣邁柱之見亦與臣合今兩江各營亦復  
如是臣亦在嚴駁其實需改造者仍應同甲械一

例動支營中公糧辦理以免糜費理合一併先為  
奏明又鳳陽府屬淮河一道上通汝潁下達淮泗近  
今商船疏通已先據壽春營詳添哨船遊巡祇因  
估料耽延臣到任後隨令動支公項添造哨船十  
二隻塘房三所令沿河旱塘之兵并又於城汎抽  
撥兵丁湊派輪替撐駕會巡并知會河東督臣矣  
又安慶江西等省交界之小姑山金剛料沙包頭  
一帶為盜賊出沒之地向有三不管之名臣亦飛

飭分汎添塘設船加謹巡緝俱嚴飭文武實力督  
率又三省水陸塘汎廢弛而水塘缺少船隻更屬  
疎忽臣亦在極力整飭設法修理臣將來親巡海  
塘併往驗視倘房船朽缺定叅文職如兵丁曠誤  
必叅將弁斷不敢因循怠忽合併陳明謹

奏

勉力為之汝能竭盡一分心力朕必有一分恩遇逮汝  
要在善於審擇自處耳

同日又

奏為察拏匪類事竊臣屢蒙

聖訓不敢稍懈自到江寧隨密札三省文武各於境內  
留心姦匪邪教臣復不時密訪旋有風聞江西玉  
山縣地方有姦匪祝皆即祝龍吳自榮即吳寵又  
名吳宗亮并扁頭王元帥等名目散賣偽劄臣當  
即差官密札文武密拏去後茲據江西署布政使  
宋筠等稟稱據府縣將弁等官稟報已於本年正

月十四等日陸續拏獲陳星即陳輝林徐易文祝  
方昇李子蘭李孔瑞等供稱扁頭王名周果達於  
正月初九日向陳星云割付係福建封禁山拏來  
等語又起獲偽劄一張一面寫統兵大元帥一面  
寫汀州總兵周果達字樣又在祝方昇屋後山泥  
洞起獲碑刻偽印一顆印文與劄上無異又於陳  
星家起出鈔寫兵書二卷悉載五方二十八宿旗  
號陣圖及行兵事宜又拏獲周果達之弟周和藍



現在跟究踪跡等情據此臣查封禁山介於三省  
向係姦匪巢穴復專弁星夜密咨閩浙各督撫及  
通飭文武添撥兵役重懸賞格分布捕緝餘黨務  
盡根株以靖地方嗣准浙江督臣程元章亦以訪  
聞浙省江山縣之民人王益善等結交匪類密移  
到臣臣復通行江西江南暨附近隣省各督撫提  
鎮一體協拏去後隨據鈔錄浙江江山縣緝牌內  
稱據王攀雲控府出首伊姪王益善為匪等情又

吳士榮之父吳汝昆浙省已經拏獲又江西省城  
齋堂楊家廠等處有黃森官等亦屬同夥等語除  
俟拏獲周果達并各犯一併歸案究擬外臣即日  
復嚴檄申飭不許借端株連無辜又復密飭三省  
文武時時察訪各種姦匪邪教在案所有姦匪情  
形理合先行奏

聞再江西相隔寫遠行文查拏往返稍遲合併陳明謹  
奏

此案日前已經有諭實力嚴緝務獲毋俾一名或致陳  
脫

同日又

奏一上元縣降調知縣陳齊東縱役栽侵捏首蘆課  
銀米三萬臣已訪審

題叅恐各屬俱有此等弊竇現經通查務必破除從  
前積習又重耗私派各屬亦未全除辦理命盜詞  
訟殊多率混而驗傷更多不實俱在悉心察懲然

欲求洗除積弊及地方民生事事就緒不致始勤終怠先須司道守令得人其舉優叅劣俟察訪確實陸續請

旨一面不時告誡以期奮勉至於兵丁疲玩更聞有通那頂考之弊現在明白開導設法稽查整頓其各營將弁亦在分調詳加考驗訓飭理合

覽

奏明

觀去冬今春雪雨光景此患或可無慮  
一蝗蝻有害禾稼聞其發萌在於三月彼時若能

挖其窟穴焚其根種可免生發淮安行有成效臣

已通飭所屬一體察辦并知會河東督臣去訖

一各屬有捐濟隣里之士民若俟賑畢給獎不能

感動羣情而轉盼青黃不接窮民望濟甚殷捐數

不多仍少實濟臣查出各屬報有捐交成數者即

行會給扁額獎賞其數少者令司府等官給扁以

是亦旌賢勸善之一端

廣

皇仁

一各屬錢文率多撓雜淮安揚州大小制錢折算

雜錢

不均而江西剪邊沙板尤多現在分別調劑禁查  
不宜驟禁但嚴私鑄毋使漏網為要

以遏私鑄之流其私鑄私販嚴督上緊查拏

一省城育嬰堂有名無實普濟堂竝未設立臣欽

遵雍正二年

諭旨動支臣衙門江西鹽規三千五百兩置建房屋田  
產又每年薪水食用藥餌衣服督同各官捐資設  
備即有好善紳士情願代為經理當允所請惟飭

不可派擾民間又生事端其江寧暴露棺骸臣亦  
仰體

皇仁捐資料理完畢理合

奏明謹

奏

育嬰普濟固屬應行善舉然亦不過婦女慈仁之類非  
急務也

雍正十二年三月初一日署理江南總督印務臣

趙弘恩謹

奏一玉山縣匪犯一案經具摺奏

聞復經節次嚴飭密拏今於二月十七等日據署江西  
布政使宋筠稟稱二月初一日已獲扁頭王即周  
果達初五日拏獲李予蘭初六日夜拏獲要犯黃  
森官等又據稟稱二月十二日據宜黃縣解到李  
繼青一犯等語臣查此案同夥多江西人隨拏隨  
解浙省恐沿途漏洩以致未獲各犯聞風驚遁更



恐其中尚有妄扳誤拏遽以轉解未免拖累臣已  
節次飛飭文武一面追捕餘黨一面確審現犯務  
得首從謀夥各確情同偽劄書籍等項多差官弁  
兵役解赴江寧臣即親加細究確實一面備晰奏  
聞一面轉解浙省歸案擬結務期匪類不致一名漏網  
良善不致稍有牽累以彰

國法以廣  
此等匪類行同虺蜮非施聖慈之事汝大誤矣其嚴查  
聖慈正在具

確究毋得少存姑息之念  
奏間於二月二十八日接奉

諭旨匪類王益善等一案將程元章奏摺鈔寄署督趙  
弘恩速將各犯逐一拏解浙省審擬等因欽此臣又  
飛行江西立即嚴拏未獲各犯一面將已獲要犯  
黃森官等多差兵役嚴押到臣轉解浙省勿致疎  
虞合併

奏明

一廣信府界連閩浙安徽三省而廣信鉛山二營

僅共官兵七百八十餘員名分防一府七縣似覺  
汎廣兵單府屬各縣何處為封禁山要隘何處為  
衝衢要地一切酌盈劑虛之處現在檄飭察議抽  
添

覽

既如一臣聞江西驛道魏錫祚精神衰弱恐誤政事經  
詢此何可姑留在任貽誤地方  
署藩司宋筠覆到魏錫祚謹慎歷練但氣虛體

再三弱雖未卧牀語言步履甚覺費力糧道高銳年力  
訓誠俾令後改  
精壯亦有才情但用度亦欠樽節等語臣現在確

察密訪理合先行奏

聞

知道了

雍正十二年三月十五日署理江南總督印務臣

趙弘恩謹

奏一據江蘇屬之江寧蘇州松江常州鎮江淮安揚  
州徐州八府及太倉海州通州等三州安徽屬之  
安慶徽州寧國池州太平廬州鳳陽七府及滁州

和州廣德六安潁州亳州泗州等七州各所屬州縣俱報雨澤霑足大麥現在青茂小麥現在長發江西一省有新建等十數縣呈報麥苗秀盛其餘各縣未據報到其蘇城現在米價湖廣白秈米每石一兩一錢五分本地糙粳米每石一兩二錢五分各屬有比蘇城增減數分者總較往年輕二三錢一石等語此皆仰荷

聖主教養殷切且蒙

特沛殊恩將漕糧半本半折江省得以米多價賤日食  
充裕民氣和樂上協

天和所致臣惟有敬遵

聖訓愈加小心寅畏嚴誠屬員勿受胥役播弄勿縱捕  
役誣良實心實政案件速結俾得感召

天和豐收有望以副

聖慈於萬一也恐厯

聖懷理合奏

聞謹

奏

此奏欣悅覽焉果能勉盡感召之道朕可保徵應必如影之隨形響之隨聲也期共勉之

同日又

奏一臣調考江南江西各營將備千把其才技兼優者固不乏人而浮滑軟弱者十有七八馬步弓箭亦不合式而江西尤甚臣已頻加申飭并將看出

各員弓馬不妥之處逐條指出行牌切責令各上  
緊操習一面訓練兵丁臣仍留心密察倘各員猶  
敢玩忽從事即嚴行叅懲不敢姑容其江西各營  
多用伴當今聞江南亦間有濫設伴當者亦在查  
革理合一併

奏明

一安徽江西水陸塘兵勤惰已委遊擊都司守備  
共四員臣給盤費分往查看并令密驗塘房船隻



曾否修備齊全據實覆報又此時正值開徵錢糧  
臣亦密委三省各道親往所屬州縣察弊其無守  
巡道員管轄之州縣則委府州親察至各縣監獄  
有無濫禁刑具是否遵制塘房船隻是否修理亦  
令乘其不備逐一點驗彼地有無匪類邪教及衙  
蠹地棍種種不法之徒更令留心訪拏仍暗查塘  
汛兵丁勤惰切飭其秉公慎密不得絲毫寬縱更  
不得多帶人役騷擾生事臣仍不時密察惟下江

塘汎臣擬於赴常會勘秋審之後即順便親查并直抵海塘查勘一切情形又聞沿海墩臺從前曾被潮坍者至今多未修建臣亦嚴行申飭作速修竣候驗去訖理合

奏明謹

奏

於汝前摺曾經批諭兩江直隸二省地方自朕踐阼以來總未得人剔除整頓今直隸經李衛振作一番不數

月間已大有可觀汝現在兩江若肯如此立定志向盡力督理自當漸有起色朕斷不虛負汝之勞績一切處勇往直前不須瞻顧有朕作主汝何懼乎但慮汝等漢軍習氣每多行不逮言如田文鏡心口相符者甚屬寥寥果能照依到任以來所奏措諸實行不徒托之空言則豈但朕與汝君臣二人之福乃

社稷蒼生之大幸也勉之勉之

同日又

奏一江西玉山縣匪類黃森官周果達等要犯已經  
拏獲經臣兩次奏

聞尚有要犯傅秀山改名白化龍等未據弋獲現在嚴  
飭分路搜拏解浙究擬茲欽奉

諭旨著左都御史徐本即由安慶前赴浙江會同程元  
章嚴審定擬具奏欽此徐本於三月初一日道經江  
寧臣將前後獲犯姓名緣由一一詳細告知但徐  
本既經起程赴浙若各犯由江寧轉解恐致遲滯

今據該臬司呈請就近解浙臣即行知在案再匪類齋堂即羅教大成教久奉

諭旨查禁今黃森官等齋堂為匪事發該地方文武官甚是

員漫無覺察臣現在嚴查合併陳明

一匪類為

國家大蠱臣凜遵

聖訓時時密飭三省文武設法訪察不敢稍懈近又於江西奉新縣盤獲道人朱一如號長珍頭留長髮

隨帶藥包形跡可疑即於藥包內搜出偽造逆書一本等物已將該犯解交南昌府收審茲據署南昌鎮總兵陳王章於該府處鈔錄偽書呈送到臣不敢隱匿謹將原本原單一併封呈

聖鑒俟該府審明緣由到日臣另摺奏聞  
有無不法實蹟嚴加究訊毋忽

一江西驛鹽道魏錫祚患病情由臣先經奏

聞今於三月十一日據該道詳稱脾胃虛弱語言蹇澁

勢難辦公請解任醫治等情前來除批藩司照例  
取結會

題外臣查該道管理通省驛鹽事務兼巡瑞袁臨三  
府地方實屬要缺該省知府中才守兼優可信者  
甚少而品行心術不端穢聲彰著者頗有其人臣  
現在確切密訪另行叅

奏誠恐道篆委署難以得人伏乞

皇上迅賜簡補實有裨益謹

奏

覽

同日又

奏為奏

聞事竊照雍正元年江西萬載縣有溫上貴謀叛案内  
餘黨龔永錫等未獲臣到任後即檄行江西按察  
司移行文武各衙門於棚民州縣重懸賞格選差  
兵役不時勒緝勿因遁緝年久之案漫不經心倘



有實心辦事之員留心密獲自當

題請議叙以此鼓勵文武屬員在案茲於三月十四日據江西署布政使宋筠等稟稱二月二十五日有駐劄銅鼓營同知譚士法盤獲溫坤生訊供據稱有原犯叛案溫上貴之族弟溫廷瑞現在山口地方謀為不軌其劄付印信自新昌天寶鄉沈子榮家發來沈子榮係大將軍軍師係溫老二名洵濱溫庭奉等在山口背後夜聚曉散操演武藝置

造器械給坤生千總劄付一張銅印一顆伊不肯  
受黑夜逃來并已經拏獲溫淘濱溫庭奉溫廷瑞  
三犯等情到臣除飛檄密拏夥黨并究追印劄器  
械外臣查銅鼓地方係寧州山僻之區與瑞州府  
屬之新昌縣袁州府屬之萬載縣俱係接壤之地  
棚民雜處因溫上貴謀叛之後添設遊擊同知各  
一員以資彈壓今據稟稱該同知譚士法盤獲之  
犯現在確查俟詳覆至日如果情實臣另疏

題請議叙并將失察各員一併查叅庶功過分明人咸知鼓勵儆惕矣合併陳明為此謹

奏

蔓草不除逢時勃發嚴飭搜緝務淨根莖毋使一匪漏網

雍正十二年三月二十六日署理江南總督印務

臣趙弘恩謹

奏為據實奏

聞事竊臣赴任時聞署江西南昌總兵陳王章聲名平常一面留心確訪一面恭摺陳

奏荷蒙

皇上硃批臣愈加秉公訪察復密詢署布政使宋筠饒九道劉均糧道高銳原署南贛鎮江寧副將康華齡等各稟相同謹臚列奏

聞

一陳王章每次

奏摺私派所屬各營幫給盤費每營每次繳銀三兩  
五兩不等係中軍遊擊史節文發札催繳據建昌  
營遊擊桃敏口稟相符并稱現有史節文原札存  
據

一陳王章遇鎮營馬步兵丁缺出不即通報亦不  
拔補空出糧餉扣繳入已兵丁因而生怨該鎮及  
該中軍衙門經管各書識皆知確數有署布政使  
宋筠稟帖可據

一陳王章平日收受屬員禮物令屬員代買紬緞米麥芝麻磁器等項俱由洪鼎臣經手中軍史節丈亦知確數據副將康華齡面稟相符

一陳王章濫准義合戲班掛總鎮牌名上年有戲子李景悅等誘賭經署南昌府事同知高以靜查拏詳報乃陳王章諭令守備王錫圭說情有高以靜可證

一陳王章於地方民事混行干預文職賢否亦復

議論每在巡撫前議論某官好一得巡撫之言即  
背地市恩密為轉告希圖酬謝與瑞州府知府楊  
廷翼等聯絡一氣作威作福據署布政使宋筠道  
員高銳稟覆相同

一陳王章廢弛營伍貪利務外其職分應辦之事  
轉多玩誤如玉山匪類散賣偽劄既經拏獲更有  
偽劄偽印盟布確據而江西省城又有羅教大成  
教齋堂等事俱經拏審在案陳王章既經失察於

前又復狡辯於後查匪類為

國家之蠱陳王章於此等大事竟毫不經心但以取利為急彌縫為務可謂喪心負

恩之至者也臣查陳王章心術巧詐品行不端恣意貪婪毫無顧忌先因廣信營叅將張福詳揭勒借餽送等款革職治罪蒙

皇上格外寬宥暫令署理鎮務自當痛改前非竭誠報效以贖前愆乃復益肆貪劣實屬下愚不移凡江



西赴考營員及文職進見經臣詢及無不吞吐其詞半隱半露則是西省員弁人人畏懼面譽背恨怨聲沸騰誠恐貽誤地方關係匪輕謹據實陳

奏伏乞

皇上睿鑒施行謹

奏

參奏甚當有旨諭部矣

同日又

奏為恭請

聖訓事竊臣赴任之時目擊江寧省塢閒泊各項差船  
塞滿河干細查檔案傳詢衆論知省塢額設黃快  
沙宣便民中划等船於雍正六年通查各省站船  
多設案內議裁三十七隻現尚存船二百四十二  
隻湖北武昌現今僅存差船五十隻江寧省塢雖  
屬四通八達差使較繁但存船竟至五倍湖北為  
數未免猶多及查省塢近今每年應差一切船隻

多則一百二三十隻少僅百隻以內況一差未必  
即需一年之久則是各項差船半屬空設閒泊河  
干坐糜工食查沙船內現有三十三隻已值小修  
便民座船共有三十七隻亦屆拆造又有快中船  
十二隻划船一隻行駛實俱遲笨無益差使似均  
可即為裁去酌量變價舵水人等令各歸農易業  
停支工食以上裁船八十三隻目下即可節省修  
造銀一萬六千三百七十八兩又每年可節省舵

水工食一萬一百餘兩以後每遇小修中修大修拆造可省萬兩及二三萬兩不等餘船一百五十隻照舊存留應差無誤再各船每遇派差等項向有通幫捐貼之事今船既裁減幫貼未敷擬於裁減銀內每年仍酌留二千餘兩撥補以免苦累

臣現在檄行司道詳

題但是否有當理合先為具摺陳

奏伏乞

皇上訓示遵行為此謹

奏

節省浮費自屬善舉具疏題請可也

同日又

奏為據實奏

聞事竊臣於赴任時道經江西地方因吏治廢弛留心  
訪察聞得瑞州府知府楊廷翼貪污殘酷狡詐乖  
張假公濟私作威作福臣始以各府賢否詢署布

政使宋筠稟稱楊廷翼操守心術難以深信臣復密詢饒州知府青阿立袁州知府薄履青各具印稟種種款蹟適糧道高銳赴淮進見時臣密行詢問據高銳面稟亦復相符臣問司道因何早不揭叅高銳回稱各人意見不能畫一容俟事竣回江與司道密商如伊等不揭則本道一人印稟揭報等語臣現在密諭各府再行確訪果否相符有無別項款蹟外臣查撫臣謝旻在任四載政勤守潔

安靜和平惟誤認巧詐以為能員有累公明之望  
實因楊廷翼佞口巧於彌縫朦蔽兼之自恃前任  
廣東羅定州任內經前督臣孔毓珣以貪贓叅革  
又得現任知府人多畏怯逡巡江西一省吏治營  
伍敗壞廢弛未必不由陳王章楊廷翼二人所誤  
謹將青阿立薄履青印票鈔錄恭呈

御覽容俟各府覆到臣再加詳細確查如果衆口僉同  
即行嚴叅以昭勸懲臣不敢容隱理合先行奏

聞謹

奏

楊廷翼屢負朕恩殊屬可惡具疏嚴叅毋少寬假

同日又

奏一江寧省城水道淤塞火患時作臣已委員并動  
公項將官溝水塘疏濬深通又勸民間各將私溝  
逐細修刷使積水暢流總歸外河以免濕蒸成疾  
其救火器具除各官原設之外亦示勸民間各設



水桶不時貯水以冀有備無患又米糧雜貨行販人等動輒收費斂錢傳單齊行高擡市價商民俱累臣已嚴行示革竝拏惡棍枷示又各寺院僧人停歇外客尚屬衣食之計但每每出入酒館攬事過錢殊屬不法臣亦嚴行摘禁又蘇州向為造賣賭具之地臣嚴飭府縣今已拏獲數家現在嚴究并令再加徧查理合一併

覽  
奏明

一江南江西州縣有圖書里書區書冊書公正更有里差地差坐差副差虎踞都圖各掌一方包侵錢糧飛灑稅賦且冊匿私家父故子頂世代流毒弊難悉數臣訪聞既確隨嚴示徹底革除令將冊籍舊票追存官署或交戶房兼管或募淳良經理竝令不時察查一有弊竇即行革懲其徵收錢糧照舊刊發滾單滾催竝令州縣明白開導小民使知踴躍輸將間有衿棍抗欠然後摘拘比追法因

人施權自官出至已革書差仍逐名取保如原管  
錢糧不清底冊不全或弄巧阻撓即行嚴拏監比  
重究理合陳明謹

奏

好竭力整理務使弊絕風清

雍正十二年四月十六日署理江南總督印務臣

趙弘恩謹

奏一上江之潁州亳州壽州宿州及靈璧鳳臺二縣

素稱盜藪而為商民之大害者尤在淮河一帶要  
路蓋緣此河夏秋水發寬至二三十里冬水歸槽  
兩岸涸出十里內外竝無民居又鮮營汎故鳳臺  
界內之高望寺胡家集等十數村莊居民率多盜  
匪其中鄧平孫劉等姓族人尤多不法除已添塘  
汎井前撫臣徐本飭設保正族長外臣現又極力  
諄飭文武弁員不時稽查井令將不事生業之輩  
教以耕織免其游惰又將盜賊窩家賭博等罪名

摘叙講解使其咸知為匪之罪謀生之安以靖地方

一鳳陽府屬宿靈虹三州縣及泗州各屬小患疊見固由於溝洫未通隄塍未修更由於河道淤塞臣到任檢查檔案宿州靈璧現議築隄虹縣則請濬謝家溝河道而泗州又以壑鄰詳阻委鳳陽道李如蘭踏查議修安仁等閘又據糧道王恕稟稱開通小河疏雕入黃則四邑永無水患等語所見

各異臣查此事既為鳳陽一帶百姓田廬所關亟宜辦理但非勘驗確切未便即為舉行即專就四邑情形定論亦恐未為穩妥正在籌畫擬議之際三月二十六日大學士臣嵇曾筠祭掃祖墓親至江寧臣見嵇曾筠備敘聖恩感激涕零凡講至

國計民生之事無不開心見誠剴切商酌臣以宿靈虹泗水患之事籌慮嵇曾筠詳晰講議俟河工事

務少暇親身查勘通加相度期於地方民生有益  
以廣

皇仁等語應俟勘明商定另行奏

聞以上二件乃係上江緊要之事合併備細

奏明謹

奏

覽奏俱悉凡綜理一切政務無論鉅細咸宜敬慎盡力  
為之不必胸中先存輕重大小之念若祇以此二件謂

為緊要之事則其餘政務皆係不緊要極易措辦者乎  
是固不然即以此二件而論於未經措辦之前視為重  
大難理則先有所恐懼憂患心已不得其正以不正之  
心經營國計民生詎能籌畫協當耶誌之

雍正十二年五月初一日署理江南總督印務臣

趙弘恩謹

奏竊臣欽奉

硃批汝等漢軍習氣每多行不逮言如田文鏡心口相



符者甚屬寥寥果能照依到任以來所奏措諸實行  
不徒託之空言則豈但朕與汝君臣二人之福乃

社稷蒼生之大幸也欽此

臣恭讀未竟感激涕零欽惟

皇上民胞物與宵旰焦勞無刻不以

社稷蒼生為念普天胥慶率土均沾

臣蒙

聖恩特拔於趙氏敗類之中

命署重任涓埃未報雖冥頑不靈之至亦未有不敬捧  
硃批而愈加心動神惕者大凡人之才能固有等次而

心之盡。否實可。自主。自茲以後。兩江之政治整理。臣難預卜。而鞠躬盡瘁。罄此心血。不計身家。毫無。果能。瞻顧。臣實可以自知於。

天地神

明

之前。十目十手之際。臣查江南吏治。向因各官

上下欺朦。互相詐偽。權操姦吏。威借惡捕。辦事以

掩蓋。為能稱許。以姑息為仁。大事化。小小事化。無。花言巧語。即是能員。以致政治廢弛。善良嗟怨。是以臣凡遇縱胥縱捕。擾民侵帑。粉飾含混之案。必

行駁詰到底絲毫不恕積弊先除政令漸治近以

劣員姦吏難以立足

斯更無足計慮為公為私孰

無良心

心久之人自畏而且感也

細開導望其去偽存誠實心實政必不敢一味取

悅屬官求世俗之虛聲避貪蠹之嫌忌以負

皇上諄切訓誨造就成全之至意也理合披瀝下情具

摺奏

聞恭謝

聖訓但臣質本庸愚若非仰蒙

聖主頻賜指誨何能稍有進益更乞

聖恩時加提撕俾得敬謹遵守以圖報效為此謹

奏

好勉之又勉可也

同日又

奏一州縣圖書冊書等役藏冊舞弊臣嚴飭革除并  
令追出底冊今下江之丹徒縣據各書役交出版  
圖底冊合算缺田十六萬畝迨清查嚴緊始又吐

出六萬畝尚隱漏十萬餘畝現在查究下江各屬  
於雍正十年奉文清造版圖冊籍原令遴選賢員  
悉心妥辦勿致復被胥吏作姦乃各州縣仍令圖  
冊積蠹開造並不親加督察是欲作弊之人清查  
自己之弊無怪乎飛灑無忌隱漏愈甚丹徒一縣  
如此各該州縣可知田額之隱漏如此錢糧之侵  
捏可知臣隨又通行各屬實力革除積蠹作速追  
出冊籍悉心清查積弊以期根源清確賦額無虧

便於徵輸理合

奏明

一武進知縣李育燾居官不職已經糾參該縣民人見委員摘印因李育燾平日殘刻百姓混於縣署之前肆行辱鬧經委員嚴飭始散又奉賢知縣盧時炳居心巧詐其重耗苛徵確有實據亦經會參委員摘印乃聞縣民亦有嚷鬧之事又有稱盧時炳平日居官清廉者又聞睢寧縣貼有知縣重

耗暴徵之匿名揭帖臣以知縣貪劣自有律法處治其民間辱詈嚷鬧及擅貼匿名揭帖種種惡習斷不可長隨一面嚴行示禁一面飭行司府察拏為首之人務期必獲嚴審重懲其睢寧縣知縣楊曾敏果否重耗暴徵亦在密訪合先一并

奏明

一太倉州捕役王泰等誣指魏進為盜逼勒銀錢搶抄衣服竝縛妻賣女武進縣捕役張成承緝楊

興臣盜案竝不躡拏實盜乃串詐事主盤費八次  
誣考良善多人又嘉定縣武生陳藩於雍正十年  
乘有潮災糾衆抄搶擾害良民均應重治不宜姑  
息長姦昨據司府州審擬未協臣逐案嚴行批駁  
另行究擬去訖理合

奏明謹

奏

隨宜革除次第整飭亦不可過於急迫以求速效



同日又

奏一鳳陽風俗素稱强悍臣屢加勸禁在案嗣聞府屬定遠縣北爐鎮地方有張大劍等夥結擡天尖刀等會逞兇窩娼擾民害俗臣密委鳳陽道李如蘭督拏據報定遠縣拏獲張大劍等十一名壽州拏獲姚天助等二名該道差役拏獲李三癩等并娼妓共三名當飭司府嚴行審報并勒拏逸犯謝景等務獲并究去訖合先奏

聞惡習最害民俗應嚴究者

一臣分查各路塘汛前經奏

聞在案茲據委員查覆壽州一帶塘兵間有離汛之事

臣隨飛行鎮營將離汛各兵究治竝取該管將弁

職名一俟覆到竝候互查之道員呈覆至日攷對

確實分別叅斥以懲積玩其餘各路俟查覆另報

合先

是

奏明

一准部咨奉

旨諭祭大學士仍管江南河道總督事務嵇曾筠之母  
楊氏臣即欽遵委員動項辦理茲准閣臣嵇曾筠  
覆稱疊荷

殊恩感激涕零隨即望

闕叩頭恭謝

天恩訖惟是此時已赴淮安辦理河工伏秋大汛踵至  
現在協同署河臣竭力保固荷蒙

聖恩賜祭可否於霜降後回籍之時舉行等語臣查閣  
臣嵇曾筠協辦河務時將伏秋不敢暫離無非感  
戴

聖恩念切急公隨又飭行委員緩至秋汎事竣舉行祭

典理合  
自應暫緩  
奏明

一今歲二麥現據江寧府屬之上元江寧江浦三  
縣各報有九分收成經臣差員察驗無異又上江

之懷寧桐城涇縣寧國旌德貴池以及下江之長  
洲元和吳縣常熟昭文華亭南匯武進丹徒山陽  
江都太倉崇明通州如皋等州縣亦報有九分八  
分七分不等統俟各屬報齊另行分晰某府收成  
幾分各數繕摺具

奏大概上江下江今歲二麥收成俱厚聞江西二麥  
亦屬茂盛恐厘

聖懷理合先為奏

聞謹

奏

若能如此盡心奉職久而不渝歲歲必蒙

上天垂賜嘉應朕可力保

同日又

奏一陳王章婪贓納賄各款臣前經奏

聞茲於四月二十六日接奉

諭旨臣遵即檄委江寧城守副將康華齡密往會同江

西署布政使宋筠將陳王章摘印看守解赴江寧  
侯審并委康華齡暫行署理外伏查各營將備弓  
馬類多平常甚至塘汛兵丁或無一人在汛或公  
然聚賭塘汛幾同虛設似此情形廢弛非一日矣  
必得操守廉潔實心辦事之員方可收指臂之效  
伏祈

皇上迅賜賢員補授竝懇

皇上嚴切訓誨俾有遵循從此江西營伍整頓可觀實

有裨益矣

一贛南道管轄三府二十五縣地方遼濶居江西  
之上游乃閩粵江楚交錯之區地居衝要臣詢據  
布政使宋筠稟稱該道王世繩諸事模稜欲做好  
人不能整理等語但臣查其為人尚屬謹慎可否  
改用京員理合恭請

聖訓其員缺查有湖南永順府知府袁承寵操守謹飭  
辦事勤敏隨臣六里撫苗頗著勤勞且莅任永順



新闢苗疆已屆五年例得陞轉可否仰懇

聖恩補授贛南道缺令其實力整頓地方如蒙

俞允其永順府員缺查有乾州同知張鍾年逾六十精神頗壯久任苗疆熟悉情形以之補授永順知府亦屬人地相宜是否可行臣未敢擅便統乞

皇上睿鑒施行謹

奏

袁承寵已允邁柱題請補授糧道矣不便改用茲若另

簡別員一者不得其人二者汝正在專意興除之際恐未必能應汝手贛南道一缺於三省所轄屬員及向日湖南所知各員或他省知府同知中選擇人地相宜者無論越銜與否擬定一員知府以下員缺一併遞擬作速摺奏以聞候朕酌奪有旨

雍正十二年五月二十四日署理江南總督印務  
臣趙弘恩謹

奏一臣親歷各府目睹二麥豐收但刈麥之後正需

雨澤以便栽插禾苗恰於五月初九等日連得甘霖廣沛四野沾足萬姓歡呼此皆

聖主勤求民隱至誠感召之所致也又各屬米價俱平

理合一并奏

聞以手加額覽之

一山東豆貨向由海洋運至江省發賣其已入江省內地之豆原不許復裝海船出口但恐豆船自山東發行即徑自賣與海賊不入江省口岸兩省

皆無稽察是仍資寇妨民况米糧出洋現在嚴禁則豆貨自應并查方免掛漏臣已密商河東督臣山東撫臣俟覆到籌辦另

奏合先奏

此舉是當之極會商辦理具奏以聞

一據銅陵宿州江浦山陽寶應通州等州縣及泰州分司各呈報所屬蘆葦叢中間有蝻子萌動當即竭力撲淨等語臣又嚴飭務各再加搜捕勿使

遺孽生翅蔓延并飭司道轉行附近各屬一體加  
意徧察又宿州呈報三舖地方於四月二十六日

大雨內有冰雹臣亦飛飭委員查勘去訖理合  
務須嚴督屬員撲淨委員驗明為要毋聽一面之詞致

奏明

令貽害民生

一臣聞各府紳士頗知安分循禮惟常州府屬紳

衿間有攬事說情之人央求守令顛倒是非積習  
尚未全除臣已嚴飭府縣等官嗣後務須秉公執  
法並將慣好攬事說情之最甚者指名詳報究懲

理合

奏明謹

奏

好此種惡習亟應革除



硃批諭旨卷二百十六之三